

Iglesia Santa Filomena na Paradera lo bay celebra 65 aña



ORANJESTAD -- Den cuadro di celebracion di 65 aña di Iglesia Santa Filomena na Paradera, a lanta un comision ca e meta di renoba Misa segun pastoor Toti Fuentebella.

Esaki ta un celebracion hopi grandi, mirando cu e ta un hubileo. Pastoor Toti a sigui spica cu ta basta aña pasa cu Pastoor Tony Peralta kende e tempo ey, a renoba e misa di Paradera.. Pastoor Toti ta apela na henter pueblo di Aruba y specialmente e pueblo di Paradera pa yuda cu e renobacion di e misa di Paradera.

Comision

E comision di renobacion di Iglesia Santa Filomena di Paradera ta consisti di: Jossy lace, Alfonso Jimenes, Lufredo Croes, Co Brete, Esy Croes, Roy Jansen, Efrain Rafael, Eduin Tromp.

Atencion pa e misa

Jossy Lacle kende ta forma parti di e comision aki a duna, un splica di e atencion cu e misa ta bay tin mester pa ta den un bon estado bek.

Lacle a sigui bisa cu e misa tin mester di un renobacion completo pa asina refleha e beyesa di cas di Dios. Lacle a sigui bisa cu ta hopi aña pasa cu e misa a haya un mantencion grandi y manera tur hende por a ripara, cu e condicion di e misa ta basta malo, tanto paden como pafo.

4Fase di renobacion

Pa esaki tin 4 fase di mantencion. E prome fase tabata pa verf e murayanan parti pafo di misa, drecha e daknan di e kapel, cambia e mosaiconan y tambe drecha e structura di e klok di misa. Lacle a bisa cu e fase 2 cu ta cla pa cuminsa ta pa reemplasa e bentananan mirando cu esakinan ta den mal estado y tin di nan cu no por habri mes mas. Esaki lo bay conoce un cambio di bentana pasobra lo bay pone a den "glas in lood" cu lo trece un extra bunitesa pa cu e misa. E fase 3 ta pa renoba e altar di misa y pone un mueble

completamente nobo. Esaki ta wordo considera como un regalo special mirando cu e ta bay celebra 65 aña. Lacle a bisa relata cu e di 4 fase di renobacion di misa, ta pa verf e parti paden y cambia e parti electrico mirando cu esaki tin basta aña cu no a conoce un cambio. Tambe lo bay haci cambio arriba e blafon.

Presupuesto

Lufredo Croes tambe ta forma parti di e comision di renobacion y mantencion a splica cada fase tin un prijs cu mester di fondo. Croes a sigui bisa cu e prome fase a costa aproximadamente 95 mil florin, di cual ta den un fase di terminacion. Croes a sigui bisa Misa tin 80 un total di bentana pa cambia y esaki tin un costo di 260 mil florin. Esaki ta un suma grandi, pero mirando e calidad di bentana ta haci esaki tin un prijs asina halto. E 3 fase cu ta e renobacion di altar wordo calcula pa un suma di 200 mil florin y e ultimo fase cu ta e verifmento paden y drecha e parti electrico tin un calculacion di 100 mil florin. Ta papia di un proyecto



di aproximadamente 655 mil florin. Croes a relata pa por recauda e sumanan aki na misa di Paradera. Donacionnan special cu a haya di parokianonan di Paradera y tambe comercio cu a sostene e renobacion di e misa a organisa un bingo aña pasa un donacion di hunta di parokia Croes a relata cu ta algun otro fuentenan di fondo cu a contribui na e renobacion. Cu orguyo a recauda un suma di 300 mil florin y ta gradici esaki na tur es nan cu a duna un man pa esaki.

Bentana

A bin cu un plan di sponsor pa bentana nan entre e parokianonan amigo y amiganan, of entre bisiñanan y comercio di Aruba Cada bentana ta costa 3250 florin cu ta un suma relativamente hopi barata pa e clase di bentana aki. E cantidad di bentana ta hopi. Ta p'esey e suma ta halto.

Pa medio di esaki Croes ta pidi cada famia, amigo of bario y comerciante pa yuda cu un bentana pa asina logra e proyecto di renobacion di e misa di Paradera